



REPUBLIKA E KOSOVES
REPUBLIKA E KOSOVES
REPUBLIKA KOSOVO
OPŠTINA LIPLJAN



REPUBLIKA E KOSOVES
REPUBLIKA KOSOVA
REPUBLIC OF KOSOVA

Pranuar me: Priljeno:	03. 10 20 24	
Njësia Jednica	Numri Broj	Shtojca Dodatak
01-052/01	48948	

KOMUNA E LIPJANIT
OPŠTINA LIPLJAN
MUNICIPALITY OF LIPLJAN

Zyra e Kryetarit të Komunës

PROCEVERBAL

NGA DRAFT-STRATEGJIA E

ZHVILLIMIT EKONOMIK

LOKAL 2024-2029

INFORMAT RRETH NJOFTIMIT

HYRJE

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021 Udhëzimi Administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-353-35739, e datës 30.06.2021 si dhe Planit të Veprimit për Transparencë në Komunë dhe me qëllim të nxitjes dhe sigurimit të pjesëmarrjes së qytetarëve dhe palëve të tjera gjatë procesit të politik bërjes dhe vendimmarrjes së Kuvendit të Komunës së Lipjanit, Komisioni për **Draft-Strategjinë e Zhvillimit Ekonomik Lokal 2024-2029** dhe Zyrtari përgjegjës për menaxhimin me Platformen e Konsultimeve Publike dhe Koordinimin e zbatimit të konsultimit publik në Komunën e Lipjanit kanë shpallur në:

KONSULTIM PUBLIK

Draft-Strategjinë e Zhvillimit Ekonomik Lokal 2024-2029

Njoftimit i është bashkangjitur edhe linku i konsultimeve publike dhe linku i platformes për konsultime publike të Qeverisë së Kosovës, ku ka qenë në diskutim publik Draft Strategjia si edhe informat shtesë se kujt i adresohen komentet.

Shih linqet:

https://kk.rks-gov.net/lipjan/?page_id=200034772

<https://konsultimet.rks-gov.net/viewConsult.php?ConsultationID=42607>

<https://kk.rks-gov.net/lipjan/wp-content/uploads/sites/20/2024/09/Njoftimi-per-debat-publik-i-skenuar-shqip.pdf>

INFORMAT RRETH DEBATIT PUBLIK

Lidhur me Draft-Strategjinë e Zhvillimit Ekonomik Lokal 2024-2029 do të zhvillohen dy debate-kosultimeve publike në mënyrë që ky dokument të jetë ma i kompletuar dhe gjithëpërfshirës takimi i parë u zhvillua me datën 20.09.2024 duke filluar nga ora 10:00 me **grupet e interesit**.

Në takimin e parë në prezencën e 29 pjesëmarrësve, nën kryesimin e Drejtorit të DSHPS Shkelzen Hajdini njëherit edhe anëtar i komisionit për hartimin e këtij e kësaj Strategjie u hap takimi me që rast ai ka përshëndetur të gjithë të pranishmit duke i falenderuar për pjesëmarrje ka thënë se ky dokument është hartuar në përputhje me sugjerimet, kërkesat dhe kontributet e përfaqësuesve të ndryshëm nga komuna e Lipjanit. Për realizimin e këtij dokumenti strategjik, Kryetari i Komunës së Lipjanit ka marrë vendim për të formuar Komisionin për Hartimin e Strategjisë për Zhvillim Ekonomik Lokal 2024-20229.

Në përbërje si vijon;

1. Diamant Bytyci, Nënkyetar i Komunës, Kryesues i grupit punues
2. Valon Pacolli, Drejtor i Drejtoratit për Ekonomi dhe Zhvillim, zëvendëskryesues
3. Shkelzen Hajdini, Drejtorati për shëndetësi dhe Përkujdesje Sociale
4. Elmaze Behluli, Drejtorati i Administrates, Anëtar
5. Sead Aliu, Drejtorati për infrastrukturë, anëtar
6. Latif Ramadani, Drejtorati për Buxhet dhe financa, anëtar
7. Anila Reqica, Drejtorati për Kultur, Rini dhe Sport
8. Rexhep Rexhepi, Drejtorati për Bujqësi dhe Pylltari, anëtar
9. Burim Rrustemi, Drejtorati për Shërbime, Publike, Mbrojtje dhe Shpëtim
10. Islam Kalesshi, Sektori për përfaqësim dhe çështje ligjore
11. Linda Shahini, Drejtorati për Ekonomi dhe Zhvillim, anëtare
12. Fitore Buja, Drejtorati për Ekonomi dhe Zhvillim, anëtare
13. Brahim Duriqi, Drejtorati për Arsim, anëtare
14. Jetmir Bytyci, Drejtorati për Planifikim, Urbanizëm dhe Mbrojtje të Mjedisit, anëtar
15. Armend Duriqi, Drejtorati për Gjeodezi dhe Kadastër, anëtar
16. Bukurie Zejnullahu, Sektori për Komunikim me Publikun, anëtare
17. Fadil Sopa, nga komuniteti i biznesit, anëtar
18. Leotrim Pajaziti, nga Shoqëria Civile, anëtar
19. Bafti Dogani, i propozuar nga MAPL në cilësi të konsulentit

INFORMAT RRETH DEBATIT PUBLIK

Diskutimi u zhvillua në prezencë të një numri të konsideruar të pjesëmarrësve me ç'rast Drejtori Hajdini ka prezantuar draft Strategjinë për Zhvillim Ekonomik Lokal 2024-2029 duke theksuar se ky dokument i rëndësishëm ka për qëllim avancimin e mëtutjeshëm të zhvillimit ekonomik të Komunës së Lipjanit me fokus në ato fusha që ndihmojnë në shëndrrimin e një komune më të qëndrueshme.

Ai po ashtu para të pranishmëve ka prezantuar edhe objektivat kryesore të dokumentit si:

Objektiva 1: - Zhvillimi i qëndrueshëm Ekonomik dhe Punësimi.

Objektiva 2: - Zhvillimi i mëtutjeshëm i arsimit, ndërlidhja e Sektorit privat me atë të Arsimit.

Objektiva 3: - Përmirësimi i Infrastrukturës Publike kryesisht për kërkesat e nevojës së tregut.

Objektiva 4: - Zhvillimi i bujqësis, fokusi i bujqësis në formën e subvencionimit, kapaciteti i zhvillimit të fermerëve.

Objektiva 5: - Zhvillimi i Turizmit dhe Trashëgimis kulturore përmes kësaj Strategjie synojn të kycin të rinjë dhe gra.



INFORMAT RRETH DEBATIT PUBLIK

Diskutimi u bë në mënyrë të hapur dhe u diskutuan shumë çështje, lidhur me Strategjinë për Zhvillimin Ekonomik Lokal.



Të pranishmit gjatë debatit u angazhuan që përmes pyetjeve t'iu drejtohen komisionit për sqarime lidhur me këtë dokument.

Bafti Dogani nga MAPL

- Ka kërkuar që për këtë dokument të fillohet me programin nacional për zhvillimin ekonomik, dhe masa që mund t'i shëndrrojnë në aktivitete, minimumi 2 objektiva specifike dhe secili 2 aktivitete, shprehu një mendim për t'i shëndrruar vetëm aktivitetet tek secili objektiv. Tek plani i veprimit secili aktivitet duhet ta ketë koston, tek paraqitja e objektivave të paraqiten aktivitetet. Ndërsa, tek plani i veprimit vetëm aktivitetet e financuara, gjithashtu duhet të ceket burimi dhe kosto. Komente nga ana e MAPL-së janë marrë dhe janë dhënë vendimet e duhura që të merren 72 masa për 4 objektiva.

Komisioni pas shqyrtimit e ka miratuar këtë koment

INFORMAT RRETH DEBATIT PUBLIK

Xhyla Korpuzi Kryetare e Këshillit, Shalë

- Kërkon që fshati Shalë të përfshihet në strukturë dhe përmend mbështetjen për arsye të turizmit dhe që të jetë numër një në prioritet. Nevojë specifike përmendi memorialin dhe grykën e Shalës.

Përgjigje nga Drejtori Shkelzen Hajdini;

Pas shqyrtimit e ka miratuar këtë koment, përmendin pikat e zhvillimit të Shalës, për trashëgimi kulturore, mirmbajtjen e rrugëve dhe infratsrukturës.

Bekim Krasniqi YAHR

- Ka kërkuar që tek tek periudha implementuese, të filloj në vitin 2025, sepse strategjia nuk mund të arrihet brenda 4 viteve dhe jep mendim që të merret për 8 vite. Kërkon që të ketë plan të veprimit për rini dhe të ketë rritje të mundësive për punësim.

Përgjigje nga Drejtori Shkelzen Hajdini:

- Viti 2024 është i përfshirë për shkak Komuna është e përfshirë në disa programe ku është e nevojshme të jetë edhe viti 2024. Sa i përket Planit për Rini, janë të përfshië shume aktivitete nga Plani i Veprimit për Rini dhe që prekin direkt të rinjtë.

Leotrim Pajaziti OJQ

- Kërkon që në sektorin e arsimit të jetë digjitalizimi dhe pjesa e restaurimit të objekteve. Po ashtu kërkon që në Planin e Veprimit të jetë trajnimi i grave dhe i të rinjëve.

Komisioni njoftoi që kërkesa është marrë parasysh që të jenë të përfshira në Planin e Veprimit të Strategjisë të restaurimi i objekteve shkollore, lidhur me këtë Brahim Duriqi-DKA dhe anëtar i Komisionit tregoi se digjitalizimi është proces që fillon nga niveli qendror dhe kurse ne si nivel lokal kemi filluar paisjen me tabela elektronike.

Safet Fazliu nga kompania hartuese D&D

- Praktika dhe rregullorja e brendshme kërkon që të jetë e përfshirë çështja për rini, janë të paraparë disa projekte krahas grave dhe që i jep mundësi rinisq të përfshihet në mbështetjen e punësimit e një qasje më të shpejt dhe më të lehtë. Fokusi i arsimit në dy drejtime në rritjen e cilësië, dhe në ndërlidhje me nevojat e tregut të punës.

INFORMAT RRETH DEBATIT PUBLIK

Eleonora Kelmendi UNDP

- Pyet dhe kërkon investimet që do të bëhen në projektin e Janjevës të jenë në kuadër të Strategjisë.

Përgjigje nga Drejtori Shkelzen Hajdini;

Paraqet projektin rreth Janjevës dhe objektivin strategjik, funksionalizimi i ujësjellësit, përfundimi i kanalizimit, mirëmbajtja e ndriqimit dhe turizmi, ky investim do të jetë i përfshirë në Strategji.

Mustafë Rexhepi kryetar i fshatit Gadime

- Ka kërkuar që të jetë e përfshirë edhe kyçja e rrugës në Marevc për arsye të turizmit që bëhet në Shpellën e Gadimes, gjithashtu edhe për rregullimin e shtratit të lumit që është ndërprerë.

Komisioni pas shqyrtimit e ka miratuar këtë koment.

Makfirete Shamolli QPS

- Kërkesë për objektivin e përgjithshëm, ngritjen e mirëqenies sociale në grupet punuese, përmirësimi i skemave sociale të ndrohet me mbeshtetja për skemat sociale për grupet punuese në zhvillimin financiar të familjeve, çasja në blegtori dhe bujqësi për familjet në nevojë dhe ndërmarrësia sociale.

Komisioni për komentet nga QPS tregoi që janë bërë të gjitha ndërhyrjet e nevojshme në dokument dhe mbeshtetja për kategorinë e skemave sociale është e përfshirë në Strategji si dhe mbeshtetja për bujqësi dhe blegtori është e paraparë si me grante dhe subvencione.

Procesverbal për draft Strategjinë për Zhvillim Ekonomik Lokal 2024-2029

INFORMAT RRETH DEBATIT PUBLIK

Fadil Behluli nga OMPAK

- Duke falenderuar komunën për mbështetjen e dhënë ndaj tyre, ka kërkuar që në këtë dokument të përfshihet edhe mbështetja e kategorive të veçanta.

Komisioni ka njoftuar përfaqësuesit nga OMPAK që në këtë dokument janë përfshirë edhe kjo kategori e shoqërisë.

Duke falenderuar të gjithë të pranishmit për pjesëmarrje, Drejtori i Komuns mbylli takimin në ora 12:00.

Metodat e Konsultimit	Datat/kohëzgjatja	Numri i pjesëmarrësve/konsultimin publik-kontribuuesve
15 ditë pranohen		29
15 ditë		

Në këtë takim konsultativ kanë marrë pjesë 29 pjesëmarrës, prej tyre femra 14 dhe 15 meshkuj.

Procesverbali u punua nga komisioni për hartimin e Strategjisë së Zhvillimit Ekonomik Lokal 2024-2029 në bashkëpunim me zyrtarin përgjegjës për menaxhimin me Platformen e Konsultimeve Publike dhe Koordinimin e zbatimit të konsultimit publik në Komunën e Lipjanit.

Procesverbal për draft Strategjinë për Zhvillim Ekonomik Lokal 2024-2029

INFORMAT RRETH DEBATIT PUBLIK

Në takimimin e dytë në prezencën e 37 pjesëmarrësve, nën kryesimin e Drejtorit për Ekonomi dhe Zhvillim Valon Pacolli është mbajtur edhe debati i dytë me qytetarë dhe biznese, drejtori Pacilli ka përshëndetur të gjithë të pranishmit duke i falenderuar për pjesmarrje tha që Hartimi i dokumentit bazohet në analizën e gjendjes aktuale të zhvillimit të Komunës së Lipjanit, duke marrë parasysh trendet zhvillimore, si dhe politikat dhe strategjitë nacionale të ndërlidhura. Orientimi i përgjithshëm për hartimin e strategjisë është udhëhequr nga Plani Kombëtar për Zhvillim 2030, Korniza Afatmesme e Shpenzimeve 2024-2026, Strategjinë për Vetëqeverisje Lokale 2016 – 2026.

Për më tepër, planet komunale dhe sektoriale të Komunës së Lipjanit kanë luajtur një rol kyç në informimin dhe zhvillimin e këtij dokumenti, ndër ta më i rëndësishmi Draft Plani Zhvillimor Komunal 2030 dhe Korniza Afatmesme Buxhetore 2025-2027.



Bazuar në Programin Nacional për Zhvillim Ekonomik. Për realizimin e këtij dokumenti strategjik, Kryetari i Komunës së Lipjanit ka marrë vendim për të formuar Komisionin për Hartimin e Strategjisë për Zhvillim Ekonomik Lokal 2024-2029.

Ai po ashtu ka theksuar se Strategjia e Zhvillimit Ekonomik të Komunës së Lipjanit ka për qëllim transformimin e komunës në një rajon me rritje të qëndrueshme dhe të balancuar ekonomike. Kjo përfshin përmirësimin e kushteve të jetesës dhe zhvillimin e sektorëve kryesorë përmes pesë objektivave kryesore



Drejtori Pacolli tutje ka përmendur objektivat si pjesë e rëndësishme e Strategjisë, tek e cila përfshihen të gjitha departamentet. Ky projekt dokument është shumë i rëndësishëm për avancimin e mëtutjeshëm në zhvillimin ekonomik të Komunës së Lipjanit.

Përmbledhja e objektivave:

Objektiva 1: Tek objektiva e parë përmendet Zhvillimi i qëndrueshëm Ekonomik dhe Punësimi

Objektiva 2: Zhvillimi i mëtutjeshëm i Arsimit, ku bënë pjesë ndërlidhja e sektorit privat me atë të arsimit.

Objektiva 3: Përmirësimi i infrastrukturës publike kryesishtë për kërkesat e nevojës së tregut.

Objektiva 4: Në objektivën e katërt përmendet Zhvillimi i Bujqësis, ku fokusi është në formën e subvencionimit si dhe kapaciteti i Zhvillimit të fermerëve.

Objektiva 5: Zhvillimi i bujqësis dhe trashëgimis kulturore përmes kësaj Strategjie synojmë të kycim të rinjë dhe gra.

Procesverbal për draft Strategjinë për Zhvillim Ekonomik Lokal 2024-2029

Informatë rreth debatit publik

Safet Fazliu nga Kompania D&D

Fillon me një përshëndetje për të pranishmit dhe me paraqitjen e Strategjisë, përmend objektivat, aktivitetet dhe projektet të cilat janë pjesë e kësaj Strategjie.

Fokusi në këtë Strategji është zhvillimi ekonomik, mbështetja për bizneset, trajnimet për ndërmarrësin, dhe theks të veçantë t'u jepet grave ndërmarrëse, truizimi, kultura si dhe përmend grante të cilat duhet dhënë për Start-up. Përmend edhe arsimin ku fokusi të jetë në dy drejtime në rritjen e cilësisë, dhe në ndërlidhje me nevojat e tregut të punës.

Përgjigje nga Drejtori Valon Pacolli

Duke e pranuar kërkesën nga Safet Fazliu, përmend se fokus të veçantë do të kenë bizneset, dhe çështja e inovacionit do të jetë një pikë tjetër kryesore, duke mos lënë anash edhe grantet për Start-up.

Visar Bikliqi

Kërkon që fokusi më i madh të jetë në zonën rurale në Janjevë, për sa i përket turizmit rural, dhe pyetë se në cilat fusha mund preket kjo Strategji.

Përgjigje nga Drejtori Valon Pacolli

Miraton kërkesën e Visar Bikliqit dhe thotë se çështja e Janjevës është çështje që përfshihet në Plan të menaxhimit dhe është në kuadër të aktiviteteve të Strategjisë.

Safet Fazliu nga kompania D&D

Përmend planin e Janjevës, tek i cili hynë turizmi rural dhe çdo aktivitet tjetër bujqësor, e që bëjnë pjesë në Planin e Strategjisë.

Drejtori Valon Pacolli

Strategjia ka pasur draft planin ku janë paraparë edhe qendrat e tjera në zhvillimin rural si dhe zhvillimin e infrastrukturës.

Bekim Krasniqi OJQ

Jep vërejtje lidhur me periudhat implementuese të kësaj Strategjie, dhe përmend faktin se periudha e viteve 2024-2029, është një periudhë shumë e shkurtër për planet e projektet në lidhje me Strategjinë.

Përgjigje nga Drejtori Valon Pacolli

Përmend planin e aktivitetit i cili është i matshëm për secilin objektiv të kësaj Strategjie dhe se është paraparë se periudha e viteve 2024-2029 është periudhë e cila përmbush objektivat e Strategjisë.

Safet Fazliu nga kompania D&D

Periudha 2024-2029 është periudhë kohore ku implementohen pikat apo objektivat e Strategjisë, duke treguar se ky dokument mund të rishikohet në afate të caktuara kohore..

Procesverbal për draft Strategjinë për Zhvillim Ekonomik Lokal 2024-2029

INFORMAT RRETH DEBATIT PUBLIK

Takimi përfundoi në orën 12:00

Metodat e Konsultimit	Datat/kohëzgjatja	Numri i pjesëmarrësve/konsultimin publik-kontribuuesve
15 ditë pranohen		37
15 ditë		

Në këtë takim konsultativ kanë marrë pjesë 37 pjesëmarrës, prej tyre femra 20 dhe 17 meshkuj.

Procesverbali u punua nga komisioni për hartimin e Strategjisë së Zhvillimit Ekonomik Lokal 2024-2029 dhe zyrtari përgjegjës për menaxhimin me Platformen e Konsultimeve Publike dhe Koordinimin e zbatimit të konsultimit publik në Komunën e Lipjanit.